



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

complectens sanctos Mensium, Ivlivm Avgvstvm & Septembrem

Lippeloo, Zacharias

Coloniae Agrippinae, 1603

Vita S. Bertvlphi Abbatis Cœnobij Bobiensis in Italia: ex ea quæ est apud
Ionam Monachum, eius contemporaneum. Floruit temporibus Honorij
Papæ: qui sedit Anno salutis 626. & sequentibus.

urn:nbn:de:hbz:466:1-42728

trans regiones, diuini verbi semine vbique
 sparso, tandem Lutetiam Parisiorum appulit; *venit Parisios.*
 vbi diebus admodum paucis, non sine fructu ex-
 actis, superatis Pyrenæis montibus, peragrata-
 que Catalona, in Prouinciam reuersus est. Ibi *Praclara a-*
 tanta auuiditate, diuinas illius conciones exce- *im conciones.*
 pit populus, vt, facto ad eum concursu, quidā
 in mortis discrimen adducerentur. Diuina tan-
 dem dispensante clementia, cum breui explēs-
 set tempora multa, sanctus antistes in eo loco,
 qui Brimonia dicitur, annos natus triginta
 tres, ardentium vi febrium correptus, anno sa- *Moritur qu-*
 lutis 1297. 14. Kal. Septembris è corporis vin- *no etatis*
 culis, in cælos migravit. Funus fuit festiuo gau- *sua 33.*
 dio lachrymis mixto, Massiliæ, in Ecclesia fra-
 trum Minorum honorificè curatum; vbi, miri-
 ficante Domino sanctum suum, cæcis, surdis,
 claudis, mutis, paralyticis, hydropicis, cæteris *Miracula ad*
 que morbidis, præstantur remedia, ab eo, qui *sepulchrum*
 facit mirabilia solus, viuens & regnans per in- *eius.*
 finita secula, Amen. *Psal. 71.*

VITA S. BERTVLPHI ABBATIS *vide Tom 8.*
caroli Bobiensis in Italia: ex ea qua est apud anal. C. Ba-
lonam Monachum, eius contemporaneum. Flo-
renti.
runt temporibus Honorij Papa: qui sedit anno
salutis 626. & sequentibus.

Bertulphus claris admodum ortus nata- *19. Augu.*
 lib. beato Arnulpho Metensi Episco- *a istius vitæ*
 po sanguine cõiunctus fuit. Cuius pijs- *habet Lector*
 fimis vestigijs insistentes, posthabito patre, negle- *16. Augusti.*
 cto natali solo, spretis seculi pompis distri-
 butis in egenos omnibus suis facultatibus,

*b Illius vita
habet lector
10. Martij.*

*Concionator
præclarus S.
Bertulphus.*

Fit Abbas.

*Patitur per-
secutionem.*

*¶ al. Aringl.
dum o. A.
riouualdum.*

nudus tulit crucem suam, & semetipsum ab-
negans, ad Bobiense tandem Cœnobium se-
contulit: ibidemque sub obedientia venerandi
Abbaris *b Attalæ*, Christo redemptori iugiter
militaturus sedem fixit. Porro incrementibus
cum tempore virtutum incrementis, egregius
iam & strenuus monasticę regulę ac religionis
ædificator & custos, cum pijs omnibus indies
charior & gratior euaderet, sacrum ad populū
declamandi munus ei iniunctum fuit: quate-
nus rudem plebeculam optimis moribus im-
bueret, salutaribusque monitis ac doctrinis,
contra hæresim Arianam assiduò instrueret at-
que muniret.

Exequutus id verò est venerabilis Pater con-
tinuis 13 annis fâto studio ac spiritali cum fru-
ctu, ut beato *Attalæ* ex his seculi ærumnis ad cœ-
lestia regna euocato, omnium fratrum vocib.
animisque coniunctis paterni honoris succes-
sor dignissimus declaratus sit atque assumptus.
Omnis autem bonis inuidus satanas, haud fe-
rens tanti Patris proficuum electionem, nihil
non attentare, machinarique, quo mentis eius
tranquillitatem quodammodo conturbaret,
infestaretque. Et quidem excitauit in eū quen-
dam Proclum, Cleronensis vrbis Pontificem:
qui ut piētissimū Abbatem cum Cœnobij sup-
plemento subiectum sibi faceret, omni nisu in-
tendebat: vicinosque Pontifices, & alios quos-
libet primates ad id peragendum muneribus
attentabat. Quin & ** Ariouualdum* Longobar-
dorum tunc Arianum super eadem quoque re
adiit. Verum cum nihil aliud ab eo responsi ac-
cepisset, nisi ut ecclesiastico iure probaret, verū

cœno-

cenobia procul ab vrbibus sita, Episcopali debeant ministrari dominio: ille omnes quos potuit suo intentui iungit.

Cumque hæc agerentur, vnus aliquis ex aula clam Abbati Bertulpho totius machinamēti seriem per internuncium manifestauit. Ille vero protinus experiēdi gratia, quosdam de pueris suis ad Regem direxit. Quibus ille inter alia respondit: Non est meum sacerdotum causas discernere: quas Synodalis examinatio ad purum debet iudicare. *Explorat mentem Regis Abbas.* En scitum sanè Regis, Ariani Roquamuis Ariani responsum: quem imprudens Episcopus aduersus monachos interpellauit. Ita placè adeo perspicuum est, semper sacra per homines sacros, & Ecclesiastica per ecclesiasticos viros tractari debere: vt neque heretici ipsi Principes, tenebris errorum offusi, id potuerint non vidisse: solis temporis huius cacutientibus Nouatoribus; qui rebelles in noua facti sunt lumini: nam ne tanta luce cerusca videretur, qua sunt omnibus nota cogantur, crassa obstinatione, obductis mentis oculis, spontanea sunt cecitate percussi. *Nota responsum etiam Ariani Ro-* [Porro sciscitatur illi qui à sancto Abbate missi fuerant, vtrum Rex fautor esse velit prædicti Episcopi, an Abbatis sui. Ad quod Rex, nequaquam se ait, illis fauere velle, qui famulo Dei molestias aliquas aut iniurias vellent irrogare.]

Postquam igitur vir sanctus Regem quamuis barbarum, & Arianæ sectæ credulum, tam humane de causa sua locutum fuisse cognouisset, poscit vt publico supplemento sultus, Romanam ad Apostolicam sedem peruenire queat.

Ll 5 Quo

*Bertulphum
Romam ve-
nit ad Ponti-
ficem.*

*Res eius ge-
stæ cum Ho-
norio Papa.*

*Laudes Ho-
norij.*

*Privilegia à
sede Aposto-
lica indulta
Badiensi Co-
nobia.*

*Ægrotat S.
Bertulphus.*

Quo protinùs impetrato, prospero itinere Ro-
mam perueniens, Honorium summū Pontificē
adiit: ac occasionem ei aduentus sui patefecit.
Antistes verò ut erat sagax animo, de industria
quærit, quæ sit cōsuetudinis suæ regularis dis-
ciplinam: nè si fortè erronei monachi essent, fa-
ueret illis, ab Episcoporum potestate dimouens.
Ea aut ex Abbate audita ac probè cognita, pla-
cuit Præsuli, eam in pristino vigore cōseruari,
ac solita libertate iugiter perfrui. Per singulos
dies exindè Abbatem conueniens, eum blandi-
ter commonebat confortabatq̃, quatenus sus-
cepti laboris haud tēderet: at Arianam perfidiā
Euangelico mucrone viriliter impugnare, om-
nemq̃ impietate profligare adniteretur. Erat
siquidem B. Honorius Pontifex, vicens cōsilio,
doctrina clarus, dulcedine & humilitate pol-
lens: yndè letabatur se è gentibus tam insignē
Patrem reperisse, cum quo dulcia de Catholi-
ca fide stabilienda & similibus liberè prome-
ret eloquia. Quapropter prorsus ferre haud su-
stinens, citò ab eius consortio separari, per op-
portunè accidit, ut vehementi admodum tunc
existente æstu, B. Bertulphus longiores quā op-
târat in vrbe cogeretur trahere moras.

Impertijt autem tandem B. Pontifex S. Ber-
tulpho munera optata: priuilegia quippè sedis
Apostolicæ: quatenus nullus Episcoporum in
præfato cœnobio quolibet iure dominari co-
naretur. Sicq̃ Apostolica insuper munitū be-
nedictione, ad propria cum suis in pace dimi-
sit. Cum verò peracto, aliquanto itineris spatio
ad Bismantū Castrum venissent, tanta eum vis
febrinum oppressit, ut omnino morte præueniri

crederetur. Erat autem Vigilia passionis Beatorum Apostolorum Petri & Pauli. Atra porro nocte iam irruente, accersitum ad se fidissimum itineris comitem Ionam, antè stratum suum per totam noctis metam excubare iubet. Paret ille quidem lubens Abbatis iussioni; verùm nocte còcubia tantus eum sopor oppressit, ut sursum caput attollere nò valeret: simili quoq; modo eos qui circa tentorium sarcinas vel equos custodiebant. Cum eccè cælestis aulæ clauiger, Apostolorumque Princeps Petrus, immenso coruscus lumine, aduenit; ac super stratum ægri Patris astans: Surge, inquit, & sospes cum conuiatoribus tuis abscede. Eo autem inquirente, quis esset, qui sibi talia iuberet, respondit: Ego sum Petrus, cuius hodie clara in toto orbe celebrantur solennia. Et hæc dicens abscessit: At vir sanctus timore percussus, seiscitatur à Iona, nùm audisset vocem vel aspectum alicuius vidisset. Eo respondente, minime: Non cernis, inquit, fulgorem lucis, ubi Petrus Apostolus pergit? Tunc tandem agnoscens Ionas motuum interrogationis eius, vix enixis precibus obtinere meruit, quatenus ei seriem admirandæ panderet visionis.

Ceterum fuit & S. Bertulphus miraculorum gloria illustris. Duos siquidem sævis daemonum infestationibus vexatos diuina virtute omnino purgavit. Alium quendam horrenda perfusum lepra ita sanum reddidit, ut nē eius vestigium quidem in homine appareret; adimplente vota famuli sui præpotente Deo: qui est superadmirabilis in sanctis suis.

*Is est huius
historie scrip-
tor.*

*A S. Petro
mirabiliter
curatur.*

*En solenni-
tatem D. Pe-
tri ab eodem
approbatam.*

*Miraculis
claret S.
Bertulphus.*